

«Փառք Յարութեան Քո Տեր»

Սուրբ Յարութեան խորհուրդը մեր էութեան մէջ կը հաստատէ կեանքը իր երկու երեսներով. ներկայ, որուն ներկայ պատկերն ենք եւ հորիզոնէն անդին մեզ սպասող յաւիտեանական կեանքը, որուն յոյսով նոյնքան էական է ներկայ ժամանակը Աստուծոյ հետ ապրելու տեսակետէն: Սուրբ Յարութեան խորհուրդը ոսկէ օղակ է մեզ Արարիչ Աստուծոյ հետ կապող, միմիանց դարձնելով սրտակից, բոլորիս շնորհները ի մի բերելով դարձնելու գօրութեան:

Յարութեան փրկարար խորհուրդով է մեր ժողովուրդը դարեր շարունակ դիմագրաւեր է դժուարութիւններն ու գրկանքները, Յարութեան հաւատով լուսաւորեր է իր հոգեւոր ու ազգային կեանքը եւ կերտեր է իր փառաւոր յաղթանակները:

Սիրելի յարազատ հայորդիներ, դուք էք Քրիստոսի Յարութեան գօրութիւնը խորհրդանշող ներկայութիւնը ձեր հաւատով ու սիրով: Սիրեցէ՛ք Աստուած ձեր հաւատքի ամուր կեանքով, ձեր օճախները վերածեցէ՛ք մէյմէլ եկեղեցիի որպէսզի մեր կեանքը ըլլայ ապահով ու հաստատ:

«Քրիստոս Յարեալ Ի մեռելոց, Օրհնեալ է Յարութիւնն Քրիստոսի»

ԵՐԲ ՀԻՒԱՆՂՈՒԹԵԱՆԴ ԲԺՇԿՈՒԹԻՒՆ ԿՈՒՉԵՍ ՄԻԱՍԻՆ ԿԱՐՂԱՆՔ.

Սաղմոս 6

Տէ՛ր, գայրոյթիդ մէջ մի՛ յանդիմաներ զիս, բարկութեանդ մէջ մի՛ պատժեր զիս:

Ողորմէ՛ ինձի Տէ՛ր, տկար եմ ես. Բժշկէ՛ զիս, որովհետեւ մի՛նչեւ ուկորներս կը դողամ:

Հոգիս ծանր խռովքի մէջ է. մի՛նչեւ ե՞րբ, Տէ՛ր:

Դարձի՛ր, Տէ՛ր, եւ փրկէ՛ զիս. ազատէ՛ զիս մահուրէն, որովհետեւ ողորմած ես:

Որովհետեւ մահուան մէջ ո՞վ պիտի յիշէ քեզ. անդրաշխարհին մէջ ո՞վ շնորհակալութիւն պիտի յայտնէ քեզի:

Հեծեծելէն յոգնեցայ, ամէն գիշեր ես լացով լուացի իմ մահի՛նս, եւ իմ արցունքներովս թրջեցի անկողինս:

Աչքս մաշեցաւ ողբալէն, տկարացաւ նեղութիւններէս:

Հեռացէ՛ք ինձմէ դուք բոլորդ, որ անիրաւութիւն կը գործէք, որովհետեւ Տէ՛ր՛ լսեց իմ աղօթքս, եւ խնդրանքս ընդունեց:

Թող ամչնան ու սարսափի մատնուին բոլոր թշնամիներս. ամօթով մնան եւ իսկոյն հեռանան:

Սիրելի ընթերցող, ՃՐԱԳ թերթը ամէն Կիրակի կը բաժնուի մեր ժողովուրդին, եկեղեցիներու բանկային մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»-ը, կարգալու կամ անդամագրուելու համար:

ՀԱՍՑԷ.

ՃՐԱԳ ՇԱԲԱԹԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud, P.O.Box 80810 -Tel/Fax:01-258300- [facebook-ի էջ jerak Ծրագ քերթ](#)



ԺԳ. ՏԱՐԻ ԿԻՐԱԿԻ, 12 ԱՊՐԻԼ 2020 ԹԻՒ 15

ԿԻՐԱԿԻ ՕՐԵՐՈՒ ԱՍՏՈՒԱԾԱՇՆՉԱԿԱՆ ԸՆԹԵՐՑՈՒՄՆԵՐ Ընթ. Ընթ. Գրծ 1.15-26 ՅԻՍՈՒՍ ՔՐԻՍՏՈՍԻ ԱԲԵՏԱՐԱՆԸ ԸՍՏ ՄԱՐԿՈՍ 16.1-8

Ա.ԶԱՏԻԿ: ՏՕՆ ՅԱՐՈՒԹԵԱՆ ՏԵԱՌՆ ՄԵՐՈՅ ՅԻՍՈՒՍԻ ՔՐԻՍՏՈՍԻ

Շարաք օրը երբ անցաւ, Մարիամ Մագդաղենացին, Մարիամ՝ Յակոբի մայրը եւ Սողոմէն գացին խունկեր գնեցին եւ պատրաստեցին, որպէսզի երթան եւ օծեն Յիսուսի մարմինը: Կիրակի առաւօտ կանուխ, արեւածագին, գերեզման եկան: «Ո՞վ պիտի գործ գերեզմանի մուտքին դրուած քարը», կը հարցնէին իրարու, որովհետեւ քարը շատ մեծ էր: Սակայն երբ նայեցան, տեսան որ քարը արդէն իսկ գործուած էր: Գերեզմանէն ներս մտան եւ ճերմակ զգեստ հագած երիտասարդ մը տեսան, որ աջ կողմը նստած էր: Մարասպետացի: Երիտասարդը ըսաւ անոնց. «Մի՛ վախճաք, գիտեմ որ խաչուած Նազովրեցի Յիսուսը կը փնտռէք, բայց հոս չէ, յարութիւն առաւ: Տեսէ՛ք զինք հոս դրած էին: Այժմ գացէ՛ք, ըսէ՛ք իր աշակերտներուն եւ Պետրոսի, որ ասիա Յիսուս ձեզմէ՛ առաջ կ'երթայ Գալիլիա. հոն պիտի տեսնէք զինք, ինչպէս որ ըսած էր ձեզի»:

Երբ ասիկա լսեցին, դուրս փախան գերեզմանէն, զարհուրած եւ ապշահար, ու ոչ մէկուն բան մը ըսին, որովհետեւ կը վախճային:

Աստուած իր Որդիին խաղաղութիւնը տուաւ մեզի

«Մեր խաղաղութեան պատիժը անոր վրայ դրուեցաւ» (Ես 53.5): Աստուած առաւ մեր մեղքերուն պատճառած խռովութիւնը եւ զայն դրաւ Քրիստոսի վրայ, եւ առաւ Քրիստոսի խաղաղութիւնը եւ զայն դրաւ մեր վրայ: Քրիստոսի կապուած մարդը իր սրտին մէջ կը կրէ այն խաղաղութիւնը, որ Քրիստոս ինք ունէր: Քրիստոսապարզեւ խաղաղութիւնն ո՛չ միայն մեզ խաղաղ կը պահէ փորձութեանց դիմաց, այլեւ՝ յաղթող կը դարձնէ անոնց դէմ: Կեանքի ծովերը միշտ կրնան փոթորկիլ եւ սարսափի ու յուսահատութեան մատնել մարդիկը, բայց անոնք որոնք Աստուծոյ զաւակներն են, անոնք անվրդով կերպով կը շարունակեն իրենց հաւատքի զնացքը յաղթականօրէն:

ՄՐԻՍՏՈՍ ՅԱՐԵԱՒ Ի ՄԵՌԵԼՈՅ ՕՐՅԵԱԼ Է ՅԱՐՈՒԹԻՒՆՆ ՔՐԻՍՏՈՍԻ

ԱՌԱՔԵԱԼՆԵՐՈՒ ԳՈՐԾԵՐԸ

1.15-23

Համբարձումէն քանի մը օրեր ետք, երբ շուրջ հարիւր քսան հաւատացեալներ մէկտեղուած էին, Պետրոս ոտքի ելլելով ըսաւ. «Նորայրներ, պէտք էր կատարուեր Սուրբ Գիրքին մէջ գրուածը, այն ինչ որ նախօրօք Սուրբ Հոգին ըսած էր Դաւիթի բերնով՝ Յուդայի մասին, որ Յիսուսը ձերբակալողներուն առջնորդողը եղաւ: Յուդա մեր խումբէն էր, մեզի պէս առաքելական ծառայութեան համար ընտրուած: Բայց իր անիրաւ մատնութենէն ետք, որուն վարձով ազարակ մը գնեց, երեսն ի վայր ինկաւ այնտեղ եւ փորը նեղուելով՝ փորոտիքը դուրս թափեցաւ: Բոլոր երուսաղէմացիները այս մասին իմացան, եւ այս պատճառով այլ այդ ազարակը իրենց բարբառով «Ակեղդամա», այսինքն՝ «Արեան ազարակ» կը կոչեն: Արդ, Սաղմունքնու գիրքին մէջ գրուած է. «Թող անոր տունը աւերակ մնայ, եւ մարդ հոն չընկալի»: Իսկ ուրիշ տեղ մը կ'ըսէ. «Իր պաշտօնը ուրիշ մը թող առնէ»: Այստեղ կան մարդիկ որոնք միշտ մեր հետը եղած են Տէր Յիսուսի երկրաւոր առաքելութեան ամբողջ տեւողութեան, Յովհաննէսի ձեռքով անոր մկրտութենէն մինչեւ երկինք համբարձման օրը: Ասոնցմէ մէկը պէտք է որ տանը մէկիս միանայ՝ Քրիստոսի յարութեան վկայ ըլլալու համար»:



Այն ատեն հաւատացեալները երկու հոգի ներկայացուցին. Բարսաբա կոչուած Յովսէփը, որ Արդար մականւանուեցաւ, եւ Մատաթիան: Ապա հետեւեալ աղօթքը ըրին. «Դուն, Տէր, որ կը նանչնաս բոլոր մարդոց սիրտերը, ցոյց տուր մեզի թէ այս երկուքէն ո՞ր մէկը կ'ընտրես առաքելական այս պաշտօնին համար, որմէ Յուդա ինկաւ՝ ինքն իր նամբան երթալու համար»: Ապա երկու անուններուն վրայ վիճակ ձգեցին: Վիճակը Մատաթիային ելաւ, եւ անիկա տասներմէկ առաքելներու կարգին դասուեցաւ:

ՔՐԻՍՏՈՍԻ ՄԵԾՈՒԹԻՒՆԸ

Մե՛ծ Է Քրիստոս, ո՛չ թէ որովհետեւ ամենակարող Աստուած Է, այլ որովհետեւ ամենողորմ Աստուած Է: Տիրոջ մեծութիւնը իր ամենակարողութեան մէջ չի կայանար, այլ իր անսահման ողորմածութեան եւ սիրոյն մէջ:

Մե՛ծ Է Քրիստոս, ո՛չ թէ որովհետեւ գիտէ մարդոց մեղքերուն մասին, այլ որովհետեւ գիտէ մարդոց մեղքերը ներել:

Մե՛ծ Է Տէրը, ո՛չ թէ որովհետեւ չ'անարգեր, այլ որովհետեւ կ'ընտրէ ու կը պատուէ անարգուածը:

ՍՈՒՐԲԵՐ ԵՒ ՏՕՆԵՐ
Ս. ՅԱՐՈՒԹԻՒՆ ԿԱՍ ԶԱՏԻԿ



Զատիկ: Յարութիւն Տեառն մերոյ Յիսուսի Քրիստոսի: Եկեղեցական օրացոյցին մէջ այսպէս անշատ կերպով յիշուած են Զատիկը եւ Յարութիւնը:

1.- Ի՞նչ է Զատիկ բառին իմաստը: Զատիկ բառը ունի բազմաթիւ բացատրութիւններ: Ոմանք նմանութիւն կը գտնեն Եբրայեցիներու Պասեփին (Passover) հետ: Պասեփ կը նշանակէ եփ: Հրեաներու ամենամեծ ու յարգուած տօներէն մէկն է Պասեփը: Անոնք կը յիշատակեն Եգիպտոսի ծանր յուճէն իրենց ազատիլն ու ելքը: Իսկ մենք՝ Քրիստոնեաներս, Յիսուսի չարչարանքի արդիւնքով հրաշափառ Յարութեամբ կը յիշատակենք մարդկութեան մահուան իշխանութենէն ու սատանայի ծառայութենէն դուրս գալը եւ երկնքի արքայութեան արժանի դառնալը: Յիսուսի կեանքին վերջին դրուագները տեղի ունեցան հրեաներու Պասեփի տօնին:

2.- Զատիկուան ժողովրդական սովորութիւններ: Զատիկուան ժողովրդական սովորութիւններէն կարելի է յիշատակել հաւկիթը կարմիր ներկելը եւ հաւկիթախաղը:

Հիները հաւկիթը կ'ընդունէին իբրեւ տիեզերքի խորհրդանշան եւ կը հաստատէին թէ հաւկիթին կեղեւը կը նշանակէ ցամաքը, սպիտակը՝ ջուրը, դեղնուցը՝ կրակը:

Սովորութիւն էր գարնանամուտի օրը իբրեւ ընծայ իրարու հաւկիթ տանիլ, մանաւանդ կարմիր: Նաեւ ոսկիէ կամ արծաթէ շինուած կարմիր հաւկիթներ կը տարուէին իշխաններուն, իբրեւ հպատակութեան նշան: Ասիկա արեւելի մէջ, մանաւանդ հայերուն եւ պարսիկներուն մօտ:

Բոլոր կրօններուն մէջ ալ հաւկիթը իր կարեւոր տեղը ունէր, մինչեւ իսկ Հռոմէացիները եւ յոյները հաւկիթ կը նուիրէին իրենց աստուածներուն՝ սրբուելու եւ մաքրուելու համար:

Հրեաները Պասեփի տօնին կը պատրաստէին բաղարջ հաց(առանց թթիւ մորի հաց): Պասեփի սեղանին վրայ անպայման պէտք էր ըլլար նաեւ գատակական գառնուկը եւ պինդ խաշուած հաւկիթը:

Հաւանաբար Պասեփի այս սովորութիւնը փոխանցուեցաւ քրիստոնեաներուն:

Զատիկական հաւկիթը Քրիստոնեային համար խորհրդանշան է այն ժայռէ գերեզմանին, ուրկէ Քրիստոս Յարութիւն առաւ:

3.- Ինչո՞ւ հաւկիթը կարմիր կը ներկեն:

Կարմիր ներկը անցեալին ամէն տեղ չէր գտնուեր: Յայտնի է, թէ կարմիր ներկին հայրենիքը Արեւելքն է, ուր կը գտնուի որդան կարմիրը, որմէ կ'արտադրուէր կարմիր ներկը եւ կը տարածուէր ամբողջ աշխարհին մէջ:

Հաւկիթը կարմիր ներկելու աւանդութիւնը կը բացատրուի հետեւեալ ձևով: Նախ կարմիրը սիրոյ գոյն է: **Նրկորդը՝** հայերը բնապաշտ ժողովուրդ եղած են, եւ բնութեան մէջ գերընտիր բերքն է որդան կարմիրը: Ինչպէս որ բնութեան ծննդաբերութիւններուն մէջ հրաշալի է հաւկիթը, ուստի հաւկիթը կարմիր ներկելով նուիրագործած են գայն: **Նրկորդը՝** հաւկիթը կարմիր կը ներկուի որպէս ուրախութեան նշան: **Չորկորդը՝** կարմիրը կը խորհրդանշէ նաեւ որպէս գոհի արիւնը, որ կը բացատրուի իբրեւ Քրիստոսի թափած արիւնը աշխարհի փրկութեան համար:

Հաւկիթը կը ներկեն Զատիկուան նախորդ օրը՝ Շաբաթ օր: